

ja: pacem meam do vobis, allelúja, allelúja.

Postcommunio.

Suméntes, Dómine, cœlestia sacraménta, quæsumus cleméntiam tuam: ut quod temporáliter gérimus, ætérnis gaúdiis consequámur. Per Dóminum.

Alia Postcommunio.

Quæsumus, Dómine Deus noster: ut, quos divina tribuis participatióne gaudere, humánis non sinas subiacere periculis. Per Dóminum nostrum.

Vel pro Papa.

Postcommunio.

Hæc nos, quæsumus Dómine, divini sacraménti percéptio próteget: et fámulum tuum **N.** quem pastórem Ecclésiæ tuæ præesse voluisti; una cum commissio sibi grege, salvet semper, et múniat. Per Dóminum nostrum.

Feria Quinta.

V. Spiritus Dómini replévit orbem terrarum, allelúja. **R.** Et hoc quod cónfínet omnia, sciéntiam habet vocis, allelúja.

Pater noster. **secreto.**

V. Et ne nos indúcas in tentatióem. **R.** Sed libera nos a malo.

Absol. Exaúdi Dómine Jesu Christe preces servórum tuórum, et miserere nobis: qui cum Patre et Spiritu Sancto vivis et regnas in sæcula sæculórum.

R. Amen.

V. Jube domne benedicere.

Bened. Evangélica lectio sit nobis salus et protéctio.

R. Amen.

Lectio sancti Evangélii scúndum Lucam.

Lectio i. Cap. 9.

In illo témpore: Convocátiis Jesus duódecim Apóstolis, dedit illis virtútem et potestátem super omnia dæmónia, et ut languóres curárent. Et réliqua.

Homília sancti Ambrósii Episcopi.

Lib. 6. in cap. 9. Lucae.

Qualis débeat esse qui evangelizat regnum Dei, præcéptis evangélicis designátur: ut sine virga, sine pera, sine calceaménto, sine pane, sine pecúnia, hoc est, subsidii sæcularis adminícula non requiréns, fidéque tutus, putet sibi quo minus ea requírat, magis posse suppetere. Quæ possunt, qui volunt, ad eum deriváre tractátum, ut spiritálem tantúmmodo locus iste for-

máre videátur affectum: qui velut indumentum quoddam videátur córporis exuisse, non solum potestáte rejécta contemptisque divitiis, sed étiam carnis ipsius illécebris abdicátis. Quibus primo ómnium datur pacis atque constántiæ générale mandátum, ut pacem ferant, constántiam servant, hospitalis necessitúdinis jura custódiant: aliénium a prædicatóre regni cœlestis ástruens cursitáre per domos, et inviolábilis hospítii jura mutáre.

R. Advénit ignis divinus, non combúrens, sed illúminans; non consuméns, sed lucens: et invénit corda discipulórum receptácula munda: * Et tribuit eis charismatum dona, allelúja, allelúja. **V.** Invénit eos concórdes caritáte, et collustrávit eos inúndans grátia Deitátis. Et tribuit eis charismatum dona, allelúja, allelúja.

V. Jube domne benedicere.

Bened. Divinum auxilium máneat semper nobiscum. **R.** Amen.

Lectio ii.

Sed ut hospítii grátia deferénda censétur: ita étiam, si non recipiántur, excutiéndum púlverem, et

egrediéndum de civitate mandátur. Quo non medio-cris boni remuneratio dócétur hospítii: ut non solum pacem tribuámus hospítibus, verum étiam, si qua eos terrénæ obúmbrant delicta levitátis, recéptis apostólicæ prædicatiónis vestigiis auferántur. Nec otiose scúndum Matthæum, domus, quam ingrediántur Apóstoli, eligénda decernitur: ut mutándi hospítii, necessitudinisque violándæ causa non suppetat. Non tamen eadém cautio receptóri mandátur hospítii: ne, dum hospes eligitur, hospitalitas ipsa minuátur.

R. Spiritus Sanctus replévit totam domum, ubi erant Apóstoli: et apparuerunt illis dispertitæ linguæ, tamquam ignis, seditque supra singulos eórum: * Et repléti sunt omnes Spiritu Sancto: et cœperunt loqui váriis linguis, prout Spiritus Sanctus dabat éloqui illis, allelúja, allelúja, allelúja. **V.** Dum ergo essent in unum discipuli congregati propter metum Judæórum, sonus repente de cœlo venit super eos. Et repléti sunt omnes Spiritu Sancto: et cœperunt loqui váriis linguis, prout Spiritus Sanctus dabat éloqui illis, allelúja, allelúja, alle-

lúja. Glória Patri, et Filio, et Spiritui Sancto. Et repleti sunt omnes Spiritu Sancto; et cœperunt loqui variis linguis, prout Spiritus Sanctus dabat eloqui illis, allelúja, allelúja, allel. **V.** Jube domne benedícere.

Bened. Ad societatem civium supernorum perdúcat nos Rex Angelorum.

R. Amen.

Lectio iii.

Sed hæc, ut secundum litteram de hospitii religione venerabilis est forma præcepti: ita etiam de mysterio sententia cœlestis arripit. Etenim cum domus eligitur, dignus hospes inquiritur. Videamus igitur, ne forte Ecclesia præferenda designetur, et Christus. Quæ enim dignior domus apostolicæ prædicationis ingressu, quam sancta Ecclesia? Aut quis præferendus magis omnibus videtur esse, quam Christus, qui pedes suis lavare consuevit hospitibus: et quocumque sua receperit domo, pollutis non patiatur habitare vestigiis: sed maculosos licet vitæ prioris, in reliquum tamen dignetur mundare processus? Hic est igitur solus, quem nemo debet deserere, nemo mutare. Cui bene dicitur: Dó-

mine, ad quem ibimus? verba vitæ æternæ habes, et nos credimus.

Te Deum laudamus. 20.

Ad Bened. Ant. Convocatis Jesus * duodecim discipulis suis, dedit illis virtutem et potestatem super omnia dæmonia, et ut languores curarent: et misit illos prædicare regnum Dei, et sanare infirmos, allelúja.

Oratio.

Deus, qui hodierna die corda fidelium Sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere. Per Dóminum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus, per omnia sæcula sæculorum. **R.** Amen.

Ad Magnif. Ant. Spiritus * qui a Patre procedit, allelúja: ille me clarificabit, allelúja, allelúja.

Ad Missam.

Statio ad S. Laurentium extra muros.

Introitus. Sap. 1.



piritus Dómini replevit orbem terrarum, allelúja: et hoc quod continet

omnia, scientiam habet vocis, allelúja, allelúja, allel.

Ps. 67. Exsurgat Deus, et dissipentur inimici ejus: et fugiant, qui oderunt eum, a facie ejus.

V. Glória Patri.

Oratio.

Deus, qui hodierna die corda fidelium Sancti Spiritus illustratione docuisti: da nobis in eodem Spiritu recta sapere; et de ejus semper consolatione gaudere. Per Dóminum . . . in unitate ejusdem Spiritus Sancti Deus.

Alia Oratio. Ecclesiæ tuæ. vel Deus omnium. pag. 54.

Lectio Actuum Apostolorum. Act. 8.

In diebus illis: Philippus descendens in civitatem Samaritæ, prædicabat illis Christum. Intendebant autem turbæ his quæ a Philippo dicebantur, unanimiter audientes, et videntes signa quæ faciebat. Multi enim eorum, qui habebant spiritus immundos, clamantes voce magna exibant. Multi autem paralytici et claudi curati sunt. Factum est ergo gaudium magnum in illa civitate.

Allelúja, allelúja.

V. Ps. 103. Emitte Spiritum tuum, et creabuntur: et re-

novabis faciem terræ. Allelúja.

Hic genuflectitur. V. Veni Sancte Spiritus, reple tuorum corda fidelium: et tui amoris in eis ignem accende.

Sequentia. Veni Sancte Spiritus. ut supra in Dominica. pag. 34.

✠ Sequentia sancti Evangelii secundum Lucam.

Luc. 9.

In illo tempore: Convocatis Jesus duodecim Apostolis, dedit illis virtutem, et potestatem super omnia dæmonia, et ut languores curarent. Et misit illos prædicare regnum Dei, et sanare infirmos. Et ait ad illos: Nihil tulêritis in via, neque virgam, neque peram, neque panem, neque pecuniam, neque duas tunicas habeatis. Et in quantumque domum intraveritis, ibi manete, et inde ne exeatis. Et quicumque non receperint vos: exeuntes de civitate illa, etiam pulverem pedum vestrorum excutite in testimonium supra illos. Egressi autem circuibant per castella, evangelizantes, et curantes ubique. **Credo.**

Offertorium. Ps. 67. Confirma hoc Deus, quod operatus es in nobis: a templo

tuo, quod est in Jerúsalem, tibi offerent reges múnera, allelúja.

Secreta.

Múnera, quæsumus Dómine, oblata sanctifica: et corda nostra Sancti Spiritus illustratióne emúnda. Per Dóminum... in unitate ejúsdem Spiritus Sancti Deus.

Alia Secreta. Prótege nos. vel Oblátis. pag. 55.

Communio. Act. 2. Factus est repente de cœlo sonus tamquam adveniéntis spíritus veheméntis, ubi erant sedéntes, allelúja: et repléti sunt omnes Spíritu Sancto, loquéntes magnália Dei, allelúja, allelúja.

Postcommunio.

Sancti Spíritus, Dómine, corda nostra mundet infúsió: et sui roris intima aspersione fœcúndet. Per Dóminum... in unitate ejúsdem Spiritus Sancti Deus.

Alia Postcommunio. Quæsumus. vel Hæc nos. pag. 56.

Feria Sexta

Quatuor Temporum.

V. Spíritus Paráclitus, allelúja. **R.** Docébit vos omnia, allelúja.

Pater noster. secreto.

V. Et ne nos indúcas in tentatiónem. **R.** Sed libera nos a malo.

Absol. Ipsius pietas et misericórdia nos ádjuvet, qui cum Patre et Spíritu Sancto vivit et regnat in sæcula sæculórum.

R. Amen.

V. Jube domne benedicere.

Bened. Evangélica lectio sit nobis salus et protectio.

R. Amen.

Lectio sancti Evangélii secundum Lucam.

Lectio i. Cap. 5. d.

In illo tēpore: Factum est in una diérum, et Jesus sedébat docens. Et erant pharisæi sedéntes, et legis doctóres, qui vénerant ex omni castélló Galilææ, et Judææ, et Jerúsalem: et virtus Dómini erat ad sanándum eos. Et réliqua.

Homília sancti Ambrósii Episcopi.

Lib. 5. in cap. 5. Luc. post initium.

Non otiosa hujus paralytici, nec angusta medicina est, quando Dóminus et orasse præmittitur: non útique propter suffragium, sed propter exéplum. Imitandi enim spécimen dedit, non precandi ámbitum requisivit. Et conveniéntibus ex omni Galilæa, et Judæa, et Jerúsalem legis doctóri-

bus, inter ceterórum remédia debílium, paralytici istius medicina describitur. Primum ómnium, quod ante diximus, unusquisque æger peténdæ precatóres salutis debet adhibére, per quos nostræ vitæ compágo resoluta, actuúmque nostrórum clauda vestigia, verbi cœlestis remedio reforméntur.

R. Non vos me elegistis, sed ego elégi vos, et pósui vos: * Ut eátis, et fructum afferátis, et fructus vester máneat, allelúja, allelúja. **V.** Sicut misit me Pater, et ego mitto vos. Ut eátis, et fructum afferátis, et fructus vester máneat, allelúja, allelúja.

V. Jube domne benedicere.

Bened. Divínium auxilium máneat semper nobiscum. **R.** Amen.

Lectio ii.

Sint igitur áliqui monitores mentis, qui ánimum hóminis, quamvis exterioris córporis debilitate torpéntem, ad superiora érigant. Quorum rursus adminiculis et attóllere et humiliare se fácilis ante Jesum locétur, Dominico vidéri dignus aspéctu. Humilitatem enim respicit Dóminus: quia respéxit humilitatem

ancillæ suæ. Quorum fidem ut vidit, dixit: Homo, remittúntur tibi peccáta tua. Magnus Dóminus, qui aliórum mérito ignóscit aliis: et dum álios probat, aliis reláxat errata. Cur apud te, homo, colléga non váleat, cum apud Deum servus et interveniéndi méritum, et jus hábeat impetrándi?

R. Spíritus Dómini replévit orbem terrarum: * Et hoc quod cóninet omnia, sciéntiam habet vocis, allelúja, allelúja. **V.** Omnium est enim ártifex, omnem habens virtútem, omnia prospiciens. Et hoc quod cóninet omnia, sciéntiam habet vocis, allelúja, allelúja. **Gloria Patri, et Filio, et Spíritui Sancto.** Et hoc quod cóninet omnia, sciéntiam habet vocis, allelúja, allelúja.

V. Jube domne benedicere.

Bened. Ad societátem civium supernórum perdúcat nos Rex Angelórum.

R. Amen.

Lectio iii.

Disce qui júdicas, ignóscere: discere qui æger es, impetráre. Si gráviū peccatórum diffidis véniam, ádhibe precatóres, ádhibe Ecclésiám, quæ pro te precétur, cujus contem-